



GOVERNMENT AIZAWL COLLEGE SPORT'S POLICY

Government Aizawl College Sports Policy chu June ni 14, 2021 zan dar 6:00-a Government Aizawl College Sports Committee thukhawm chuan a hnuai a mi ang hian a siam a ni.

1. MZU Sport-a infiamna huang (discipline) telh thinte ngaihtuah chungin Sports Committee-in GAC Sports List-a tel turte chu uluk leh fimkhur takin a thlang thin ang.
2. GAC Sports List-a telte hi huang (category) hnihilah then an ni ang a. Category-1 ah chuan International Level leh State Level-a khel chinte bakah Sports Committee-in Category-1 a awm tura a thlante dah an ni ang a. Category-2 ah chuan Local Level leh a hnuai lama khel thin, GAC-a Sports Quota hmanga admission pekte chu dah an ni ang.
 - (a) *Category-1 a mite hi college-in admission fee leh exam fee a pek sak ang a. An zirlaite tha taka an zir chhuah ngei theihna turin attendance leh internal exam-ah te bakah an zirlai kaihhnawih thil dang a puah an ngaihna ah te a tul dan angin Sports Committee-in a buaipui thin ang.*
 - (b) *Category-2 a mite hi Sports Quota hmangin admission pek an ni ang a. Sports Committee-in awm a tih angin fee pek sak thei a, tin, an fee chawi tur tihhniam sak turin a buaipui thei bawk ang. An zirlaite tha taka an zawh theihna turin Sports Committee-in a tul dan angin pui bawk ang. Sports inelna a an chet dan (performance) atanga tehin Sports Committee-in awm a tih chuan Category-1 ah hlan kai theih an ni ang.*

3. Infiammi (player) te hian sports kaihnawih chetvelna hrang hrang, heng — tournament khelh, training/practice leh thildang avanga hrasatna an tawh chuan chung infiamma kaihhnawih (sport activity) hrang hrangah te chuan an tel ngei a ni tih finfiahna nen Sport Committee-ah puihbawmna a dil thei ang a. Dilna te hi Sports Committee-in a lo en fel ang a, a tul angin hma a lak pui ang.
 4. GAC Sports players-te zingah an chetvelna (performance) thlir chungin emaw, a dinhmun hrim hrim en a phu a tihte chu Sports Committee-in a tul angin sum leh paia puihna (financial assistance) a pe thei ang a; sponsorship a ngaihtuahsak thei bawk ang.
 5. New Campus (Mualpu, Salem Veng) a Students' Hostel-ah GAC infiammi (player) awm duh an awm a nih chuan duhsak an nih theihna turin Sport Committee-in hma a la ang.
 6. GAC tana tha leh chhenfakawm tur infiammi (players) tha zawn (scouting) kawngah Sports Committee hi mawhphurtu a ni ang.
 7. Sports Policy hi tihdanglam ngai a awm a nih chuan, a tuldan ang zela ti danglam turin Sports Committee-in thuneihna tawp a nei ang.
-